



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Sermo II. De laude bonæ congregationis.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

3 SERMONES AD NOVITIOS.

Lxxii 8.

Matth. 15.
Matth. 7.

remedia:ne vrticæ crescentes, bona semina præmant. Dicit namque Saluator, de quibusdam factis & tepidis fratribus, in quibus non est feroor spiritualis, sed tantum exterior appetit habitus humiliis, cum affectu honoris; Omnis plantatio, quam non plantauit Pater meus caelstis, eradicatorum. Et verè, qui non adificat domum suam supra firmam petram, id est, vitam suam super Christum & veram humilitatem: flante vento clationis, cadet à statu deuotionis ad exteriores occupationes, & in variis tentationes diaboli. A quibus malis nos benignè custodiat Iesus Christus filius Dei: qui verbo & exemplo suo docuit nos humiliter conuersari: & pacem cum fratribus, sine fictione & dissolutione, semper retinere. Amé.

SERMO II.

De laude bone congregatiōis.

Prov. 11.

Psal. 60.

I. Rater, qui adiuuatur à fratre, quasi cinctas firma. Dilecti fratres, notate verba ista, à Salomone sapiēter & proficuè dicta: & tenete perseverāter loca vestra, in societate bona. Sustinet inuicem, cum omni humilitate & mansuetudine portando onera vestra, propter multa pericula evadenda, & maxima præmia animæ vestræ à Deo promerenda. Congregatio quippe bonorum est quasi turris fortitudinis à facie inimici. Ibi namque homo securius vivit, vbi à pluribus iuuatur: & si interdum ab aliquo tribulatur, ab alio rursus cōsolatur. Qui bonæ voluntatis est, & Deum querit: inter Deum querentes amplius proficit, & firmius stabit. Ibi homo magis in virtute probatur & exercetur. Ibi, frequenter de negligentia arguitur. Ibi, ad perfectiora verbo & exemplo trahitur. Ibi, suam imperfectionem considerare & lugere compelliatur. Ibi, alterius ferore excitatur, alterius humilitate docetur: istius obedientia mouetur, illius patientia adificatur. Ibi, verecundatur esse vilior; ibi, confunditur inueniri tardior. Ibi inuenit, quos timet: ibi habet, quos diligit: & sic ex omnibus proficit. Ibi alterius correptio, eius fit admonitio. Ibi alienum periculum, proprium efficitur speculum. Ibi unus, alterius est custodia; & alius alium probat in patientia. Ibi homo portat, & portatur; ibi multa audit, & videt, vnde doceatur. Ibi regula & sacra institutio, in bono conseruant; ibi confessio & disciplina, excessus emendant. Ibi boni commendantur, ut meliores fiant: ibi negligentes arguntur, ut referuerant. Ibi homo non permittitur torpescere, nec secundum suum libitum agere. Ibi cogitur spiritui seruire, & carnis desideriis resistere. Ibi diversa sunt officia, & multa exhibentur charitatis obsequia. Ibi omnia tempus habet, & ad opus suum quisque ex obedientia vadit.

2. Ibi



SERMONES AD NOVITIOS.

9

2. Ibi nulli otiori conceditur, sed vnicuique mensura operis iniungitur. Ibi infirmus à fortiore sustentatur: ibi sanus infirmum visitans, Christo seruire lètatur. Ibi uno deficiente, alius locum eius supplet, ibi sana membra pro debilibus solicitatur. Ibi activus, pro vacante laborat: ibi Deo vacans, pro laborante exorat. Ibi uno legente, multi ædificantur. Ibi singuli hebdomadas suas explentes, si inuicem liberant, ne fatigentur. Ibi homo habet multos pro se orantes, & in extremis se contra diabolum protegentes. Ibi tot auxiliarios inuenit, quot socios habet, qui sibi in necessitatibus assistunt. Ibi feliciter obdormit in Domino. Ibi multorum intercessionibus citius liberatur de purgatorio. Ibi post mortem hæredes Dei seruos, sui vtique interdum memoræ relinquunt; quorum pia studia, sua erit in cælo lètitia. Ibi labor seus, & bona conuersatio, obliuionem non accipiet; sed multis posteris ad exemplum proficiet. Ibi sequentes pro prædecessoribus suis orare tenentur, & Dominum pro benefactorum beneficiis laudare. Ibi quicquid boni agitur, ad omnium ibidem quiescentium participationem provenire creditur. Ibi, qui adhuc vivunt, pro defunctis fratribus solliciti sunt, vt à poenis soluantur: & qui iam cum Christo regnant, pro peregrinantibus supplicant, vt in bono perseverent: & qui adhuc supersunt, ad fratres suos venire desiderant. Ibi singulare bonum sit commune, ibi temporale transit in æternum. Ibi temporaliter conuenientes, æternali-
ter erant congaudentes.

2. Mach. 2.

3. Magnum igitur & iucundum bonum, habitatio multorum deuotorum in unum. Qui in sancta cōgregatione usque in finem perseverauerit, etiam si imperfectus fuerit, propter multorum orationes & merita perfectorum, ad beatum finem Dco propitio perueniet. Qui autem bonam congregationem deserit, quasi extra portum stabilitatis & salutis diuertens, marinis procellis se exponit. Qui enim de medio congregationis se separat, interitum est, ubi adhuc perseverabit. Finis citò declarabit, utrum ex Dcō an ex passione recessit. Maneas ergo in medio sanctæ congregatiōnis, & manebit tecum Dominus. Ipse enim ait: *Ego in medio vestrum sum, sicut qui ministrat.* Et ad discipulos inquit: *Vos esstis, qui permanestis mecum in tentationibus meis.* Si bonus es, mane, & ædifica alios. Si peccator es, & infirmus, mane, vt ædificeris ab aliis. Quocunque autem perrexeris, scito, quoniam diabolus tibi aduersabitur, & sequetur te tua passio, etiam si solus fueris & inclusus. Sæpe namque ex verbis leuisib⁹, & habitu curioso exterius, cognoscitur status mentis, quid vanitatis geritur intus.

Exem-

A 5

Luce. 22.
Ibidem.

Exemplum duorum fratrum.

Venerunt aliquando duo fratres ad domum cuiusdam nobilis viri & terreni principis, pro aliqua causa monasticæ utilitatis. Intuens ergo eos diligenter princeps honestus, considerauit habitum & mores vtrorumque extrinsecus. Illis autem recedentibus, dixit vir sagax domicellæ sue in secreto, nulli tamen palam derogando: Videbatur milii, quod vnum istorum, aut nouiter illic venit, aut citè inde recedere velit. Ad quem domina admirans ait: Vnde hoc scitis? Respondit: Ex dissimili ueste & gestu, in verbis & moribus, coniecturo differentiam conuersationis. Post breve igitur tempus, res latens apparuit foris.

Aliud Exemplum notabile.

Quidam deuotus grauiter à diabolo tentatus, exiuit de congregatione fratrum, ad captiā solatia mundi in ludicris vanis, relicto igitur humili cœtu clericorum, sociauit se frequenter contuberniis laicorum. Quadam verò die exiens portam ciuitatis, cœpit cum sodalibus suis pro pecuniis ludere, diuque ludens perdidit pecunie taxam: & quod peius est bona conscientiæ famam. Finito tandem pyramidis ludulo, coactus est soluere debitata sine dilationis termino. Recusat itaque trufatoribus trufam reddere, repugnat fortiter, nititur effugere, sponte nihil soluere contendit. Commoti ergo lusores, & congregati pariter aduersus debitorem perfidum, tanquam canes rabidi contra lupum clament, trahunt, verberant manibus, maledicunt verbis; Redde trufator, quod debes. Sed, cum non acquiesceret exactoribus suis, irati nimis reddiderunt ei multa dura verbera, pro denariis paucis. Demum resumpto spiritu, à quibusdam in oppidum est reductus. Mandauit ergo deuotis fratribus patriotis suis obsecrans precibus multis, ut eum visitarent grauatum languoribus, recitans caram eis historiam suæ miseræ passionis. Versa enim erat cithara mundana ludificationis in luctum acerrimæ afflictionis. Quibus auditis, visitant ægrotum beneuoli fratres, compatiendo animæ afflictæ. Increpat tamén seriosè erroneum professo scelere, dicentes; digna eum recepisse verbera, iuxta illa euangelica Domini verba: *Exi citè in vias & sepes, & compelle intrare.* Si enim, inquiunt, in congregatione mansisses, tot plaga non receperisses. Tunc multum ingemiscens, fatebatur stulte se egisse, & peccasse. Idecirco (inquit) si conualuero, fauente Domino, me emendare propono. Multi autem ex fratribus hæc in fortunia audientes, timore correpti sunt; & constantiores esse, eti, in melius profecerunt, iuxta illud Salomonis: *Pestilente flagello, stultus sapientior erit.* Bonum est ergo in domo cum fratribus

LUCA 14.

PROPS. 19.

tribus manere, & à societate seculari abstinere; & sine consilio
Prælati nil attentare: nec exitum per licentiam extorquere, frau-
de vel prece. Nam sèpe pœnitent in fine, quod malè acquiritur
propria voluntate. Qui vult proficere, & in congregatione per-
seuerare: debet apertus esse Prælato suo in confessione, fidelis in
opere, verax in sermone. Debet inter fratres esse verecundus,
humilis, tacitus, quietus, pius, morigeratus, patiens, gratus, &
obsequiosus. Ista faciunt Deo charum, hominibus amabilem,
& nulli onerosum.

Aliud Exemplum de quodam clero sape euagante.

Clericus quidam in congregatione fratrum studijs causa ha-
bitabat, qui pro recreatione querenda, sèpe ad amicos diuer-
tit, sèpe etiam loca & domos religiosorum visitauit. Dixerunt er-
go ei fratres, & constudentes socij eius, timentes ipsi periculum
ex frequenti discursu imminere: Si vis in bono statu perseverare,
noli extra domum tam sèpe vagari: caue amicos visitare, & fa-
miliarites feminarum. Cum ergo sepius & seriosè à multis
admonitus esset, & prauam consuetudinem non resecaret: tandem
tentatione crescente, sanctam societatem reliquit, & ad amicos
rediens uxore accepta totus secularis & vagus effectus est.

S E R M O III.

De verbis & consilijs seniorum humiliter audiendis.

Interroga patrem tuum, & annunciatib; tibi; maiores tuos, & dicent Deut. 33.
tibi. Dilecti fratres audite libenter salutaria monita seniorum
vestrorum: & nolite esse prudentes apud vosmetipso, ne incida-
tis in laqueum diaboli, & scandalum animæ vestræ acquiratis. Isaia 5.
Nolite altiora querere, nec curiosè aliorum facta perscrutari,
sed quid velit Deus, & quid promisisti seruare, omni tempore
cogiteis. Dixit quidam deuotus religiosus: Qui de omnibus
alienis tacet, de omnibus pacem habet. O pretiosum verbum,
utile, semper animo retinendum! Quanto cùm quis latius foris
extenditur, tanto intus minoratur. Nemo ergo alios inspicien-
do, se negligat, sed ante omnia curam sui gerens, de reliquis ta-
ceat, quæ ad eius commissionem non spectant. Idcirco, quilibet
internus esse cupiens, cum Psalmista dicat: Psal. 115.
*Animamea in mani-
bus meis semper, & legem tuam non sum oblitus.* Quicunque volue-
rit in spiritu proficere, det se sapienter ad orationem, & silentij se-
cretum: caueat multas quæstiones & fabulationes longas texe-
re, sed potius cum sancto David deuotè oret: Psal. 162.
*Dominè ad te con-
fugi, doce me facire voluntatem tuam.* Si queritis, quæ sit voluntas
Dei,